



## Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

13. juli 2012

J.nr.:

01.31.06/12-00587

### Aningaasaqarnermut Naalakkersuisoq

#### **Sisamangornermi 12. juli 2012 Aningaasaqarnermut Akileraartarnermullu Ataatsimiititaliap aalajangernera pillugu Naalakkersuisunut ilisimatitsissut – Suliaq nr. 01.31.06/12-00587**

**Kyotomi isumaqatigiissutip I-ip (2008-2012) aamma Kyotomi isumaqatigiissutip II-p (2013-2018/20) nalaanni pisussaaffiit, kiisalu silap pissusia pillugu suleqatigiinnissamut isumaqatigiissutip isumaqatigiissutigineqarnissaa.**

Naalakkersuisut **inassutigaa**,

- Konto pingaarnermut 73.95.05-imut, “CO2-nik aniatitassanik pisinermut tunn-gasu-mut”, oqaasertaliussaq oqaasertaliussamullu nassuiaat ilanngunneqartut 2012-imi ilassutitut aningaasaliissutissanut Inatsisartut inatsisaannut ilanngunneqassasut.

#### **Aningaasaqarnermut Ataatsimiititaliap oqaaseqaatai**

Suliassami matumani Naalakkersuisut Aningaasaqarnermut Ataatsimiititaliamut qinnuteqarput oqaasertaliussap matuma akuerineqarnissaanik:

”Kantomut pingaarnermut 73.95.05 CO2-inik aniatitassanik pisineq

Naalakkersuisut Inatsisartut Aningaasaqarnermut Akileraartarnermullu Ataatsimiititaliaannit akuerineqarlutik Kalaallit Nunaanni killiliussanut tamarmiusunut matusissutisatut CO2-nik aniatitassanik pisinissaq pillugu isumaqatigiissusiornissamut piginnaat-inneqarput. Isumaqatigiissummi 2012-imi 4,43 mio. koruunit, 2013-imi 4,6 mio. koruunit aamma 2014-imi 4,6 mio. koruunit qaangerneqassanngillat, aammalu 2012-imiit 2014-imut matussusiissutaasinnaassapput

Kantomut pingaarnermut 73.95.05 CO2-inik aniatitassanik pisineq oqaaseqaatit

2008-miit 2012-imut Kyotomi isumaqatigiissummut atatillugu Naalagaaffeqatigiit pisussaaffiit Kalaallit Nunaata tapiliussasaanut atatillugu sinniinnermut akiliutissat pillugit Naalakkersuisut aamma Naalagaaffiup akornanni isumaqatigiissut tunngavigalugu Naalakkersuisut atuuttussanngortitsinissaat oqaaseqaammi qulakkeerneqarpoq. Isumaqatiginninniarnerni ukiup aningaasaliiffiusup saniatigut kontomi aningaasaliissutissat tamarmik pigineqarnissaat pisariaqartinneqarmat oqaaseqaat pisariaqartinneqarpoq. Taamatut atugasaqartitsineri Kalaallit Nunaata CO2-nik pisinissamut pisussaaffilerneqarnerata naammassineqarnissaa ajornarunnaarsinneqarpoq aammalu mis-singersuusionermermi isumannaatsunngortitsilluni.

Oqaaseqaat nutaajuvoq.”

Isumaqatigiissutissamut oqaasertaliussami taaneqartumut missingiut ilanngunneqarsimavoq, taamaattumik ataatsimiititaliap Naalakkersuisut qinnuteqaataat imatut paasisariaqarpaa isumaqatigiissutip taassuma akuerineqarnissaa aamma qinnutigineqartoq.

Ataatsimiititaliaq isumaqarpoq assut ajuusaarnartoq isumaqatigiissut naapertorlugu CO2-mik

aniatitassamik pinissamut ukiuni aggersuni pingasuni ukiumut 4,3 aamma 4,6 mio. kr.-it akornanni aningaasartuuteqartariaqassagatta. Ataatsimiititaliap inerniliuttariaqarpaa taamanikkut Namminersornerullutik Oqartussaasut Kyotomi isumaqatigiissummut tapiliussamik atsiugaqarnermikkut erseqqissumik paasisimangikkaat suna pisussaaffigilernerlugu, soorlu aamma naleqquttunik suliniuteqartoqarsimangitsoq Kalaallit Nunaata CO2-mik aniatitsineranik annikillisisiniarluni, erngup nukingata annertusiartortumik atorneqaleriartornera eqqaassangikkaanni. Tamanna tassa maanna paasineqarpoq naammassimangitsoq, taamaattumillu maannakkut pisariaqangilluinnartumik aningaasartuuteqartariaqarluta ”silaannarmik kisartumik” pisinissamut! Tamanna naammaginangilluinnarpoq.

Ataatsimiititaliap piumasaraa siunissami silap pissusii pillugit pituttuisunik isumaqatigiissteqartoqartassangitsoq, aalajangiisussaataasut siumut paasereersimangippassuk suut pisussaaffulissanersut tamatumalu aningaasatigut kingunerisassai qulaajarneqarsimatinnagit.

### **Aningaasaqarnermut Ataatsimiititaliap aalajangenera**

Qulaani allassimasutut paasinninnillu Aningaasaqarnermut Ataatsimiititaliap inassuteqaat **akueraa**.

Aningaasaqarnermut Ataatsimiititaliaq sinnerlugu

Olga P. Berthelsen  
Siulittaasup tullia